



Yãmb a nebã, ad Wënd yaa yulgemde, la A ka reegd rënda yulgemde, la ad Wënd sagla síd-kõtbã ne bümb ning A sën sagl tën-tuumbã

Yii a Abu Hurayrat nengë (Wënd yard be a yïnga) a yeelame: Wënd Tën-tuuma (Wënd puusg la A tulgr be a yïnga) yeelame: «Ad Wënd yaa yulgemde, la A ka reegd rënda yulgemde, la ad Wënd sagla síd-kõtbã ne bümb ning A sën sagl tën-tuumbã; n yeele: {Yãmb a Tën-tuumba! Rı-y rı-yılmã sën yaa halaal rubo, la y maan tuum-sõma}, la A yeele: {Yaa yãmb sën kõ-b sída! Rı-y bõn-yılma Tõnd sën rılg yãmbã}. Rë poorë ti Nabiyaama tëeg rao yelle, sor sën wogle, t'a zugã bure n puki, t'a zëk a nus a yiibã n tug saasë wã n yetë: "m Soab A Wënde! Sõng-ma", la a rıtlã yaa haraam, a sën yelgã yaa haraam, a bõn-yüudu wã yaa haraam, b leb n rılg-a-la ne haraam, b na n reega a kos-kãngã wãn-wãna?»

[Naşun Şahuhun (Gom-sikdem sën manege)] [A Muslim n togs-a]

Nabiyaamã kõo kibare (Wënd puusg la A tulgr be a yïnga) ti ad Wënd yaa ylenga, n zãag boogr la zanga, n síf ne pidbu, A ka sakd tuum la goam la loese, rënda bümb ning sën yaa yulgemde, n yaa Wënd yïng bala, n zems ne Nabiyaamã kãndgre (Wënd puusg la A tulgr be a yïnga), b ka sõmb n pëneg Wënd rënda ne woto, la bümb lıslaam tuum sõng sën yıud paoongo, yaa a rıtlã sën na n yı yulgemde, n yaa halaale, yaa ne woto la a tuumdã yıt yulgemde, la rë n kıt ti Wënd sagl síd-kõtbã ne bümb ning A sën sagl ne tën-tuumbã; ti b rı yılma la b maan tuum sõma, t'A yeele: {Yãmb a Tën-tuumba! Rı-y rı-yılmã sën yaa halaal rubo, la y maan tuum-sõma, ad Mam mii yãmb sën maand bümb ninsã wã}. La A yeele: {Yaa yãmb sën kõ-b sída! Rı-y bõn-yılma Tõnd sën rılg yãmbã}. Rë poorë ti Nabiyaamã bugsi (Wënd puusg la A tulgr be a yïnga) n yi haraamã rubo sën sãamd tuumã la a gıdgd ti b pa reegd-a wã, baa a sën nidg pãng tuumã reegr sabab-rãmb sën yaa yıngã; sën be b pugë: Rëenemã: so-toak woglgo, Wënd tũudum wëengë, wala hagiimdu, la gıhaadı, la rogem tõkre, la zëng sën ka rë. Yiib soaba: zugã zoobd burbo, b sën ka sãas-a wã yïnga, t'a kõbgã toeeme, t'a futã kõbg lebg tom, ti yë mengã lebg pakre ti weooge. Tãab soaba: a zëkd a nus a yiibã n tug saasë wã ne kosgo. Naas soaba: n kot Wënd ne A Yuy wã, n pëdgd woto pugã: m Soab A Wënde, sõng-ma! La sën lagem ne kosgã reegr sabab-kãensã wã, b ka na n kelg-a ye; bala a rıtlã yaa haraam, a bõn-yüudmã yaa haraam, a sën yeelgã yaa haraam, b leb n rılg-a-la ne haraam, rënd reegrã zãrame ne síf-kãngã, b na n reega a kosgã wãn-wãna!?

النجاة الخيرية
ALNAJAT CHARITY

